

ԵԿԵՂԵՑԱԿԱՆ ԲԵՄ. ԼՈՒՐԵՐ

Փետրվարի 8-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Եզնիկ քհն. Պետրոսյանը և «Հայր մեր»-ից առաջ քարոզում «Ինչու Քրիստոս աշխարհ եկավ» թեմայով:

Ս. պատարագին ներկա էր Վեհափառ Հայրապետը:

.*.*

Փետրվարի 8-ին, չորեքշաբթի.—Այսօր, երեկոյան, Վեհաբանում, Վեհափառ Հայրապետի նախագահությամբ, գումարվում է միաբանական հերթական հավաքույթ, որի ընթացքում Ս. Եզնիկ քհն. Պետրոսյանը ներկայացնում է «Բարսեղ Կեսարացու կյանքն ու գործունեությունը» թեման:

.*.*

Փետրվարի 10-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Խաչատուր քհն. Ֆրանգյանը և «Հայր մեր»-ից առաջ քարոզում «Ծով մեղաց իմոց զիս ալեկոծե, որ ես նաապետ բարի, շնորհեա ինձ նաահանգիստ Հայր ամենակալ» (սպաշխարության շարական) բնաբանով:

Ս. պատարագին ներկա էր Վեհափառ Հայրապետը:

.*.*

Փետրվարի 18-ին, չորեքշաբթի.—Այսօր, երեկոյան, Մայր տաճարում տեղի է ունենում «Տեսողնդառաջ»-ի նախատոնակի ժամերգություն՝ նախագահությամբ Վեհափառ Հայրապետի:

Նույն օրը տեղի ունեցավ նաև «Տեսողնդառաջ»-ի ավանդական խարույկի բացվաժողովում ճեմարանի մարզադաշտում:

.*.*

Փետրվարի 14-ին, հինգշաբթի.—Տեսողնդառաջ: Տօն քառասորեայ գալստեանն Քրիստոսի ի տաճարն.

Այսօր Մայր տաճարում, Ավագ խորանի վրա, ս. պատարագ է մատուցում Ս. Եղիշե քհն. Բաղրամյանը:

.*.*

Նույն օրը, երեկոյան, Վեհաբանում, Վեհափառ Հայրապետի նախագահությամբ, գումարվում է միաբանական հերթական

հավաքույթ, որի ընթացքում Ս. Անանիա վրդ. Արաքաջյանը ներկայացնում է «Բ տիեզերական ժողովը Կ. Պոլսում» թեման:

.*.*

Փետրվարի 16-ին, ուրբաթ.—Այսօր ուխտավորաբար Մայր Աթոռ են ժամանում Փարիզի հայրապետական պատվիրակի փոխանորդ Ս. Գյուտ եպս. Նազաշյանը և Արևմտյան Գերմանիայի հոգևոր հովիվ Ս. Հակոբ արդ. Գըլլենջյանը:

.*.*

Փետրվարի 17-ին, կիրակի.—Բուն Բարեկենդան.

Այսօր Մայր տաճարում, փակված Ավագ խորանի վրա, ս. պատարագ է մատուցում Ս. Հովհաննես ավագ քհն. Մարությանը:

«Հայր մեր»-ից առաջ «Մեծի Պահոց» խորհրդի մասին հոգեղից քարոզ է խոսում Վեհափառ Հայրապետը:

.*.*

Փետրվարի 18-ին, երկուշաբթի.—Այսօր հոգևոր ճեմարանի ուսանողները չորսօրյա ձմեռային հանգստի են մեկնում Ծաղկաձոր:

.*.*

Փետրվարի 24-ին, կիրակի.—Բ կիրակի Քառասորեայ Պահոց (Արտաքսման).

Այսօր Մայր տաճարում, Ավագ խորանի վրա, ս. պատարագ է մատուցում Ս. Մովսիկ վրդ. Սարգսյանը:

«Հայր մեր»-ից առաջ «Քրտամբք երեսաց քոց կերիցես զհաց քո, մի՞նչն դարձցիս լերկիր ուստի առար, զի հող էիր և ի հող դարձցիս» (Մանր. Գ 19) բնաբանով քարոզ է խոսում Ս. Ստեփանոս արդ. Չաքալյանը:

Ս. պատարագին ներկա էր Վեհափառ Հայրապետը:

.*.*

Նույն օրը, երեկոյան, Վեհաբանում տեղի է ունենում ասմունքի երեկո: Երեկոյին հրավիրված էր տաղանդավոր դերասանուհի Մետաքսա Սիմոնյանը, որը և հանդես եկավ Ավ. Իսահակյանի, Վ. Տերյանի, Ե. Չարենցի, Պ. Սևակի, Ս. Կապուտիկյանի, Գ. Էմինի, Ալիսիա Կիրակոսյանի մի



շարք բանաստեղծությունների արտասանությամբ:

Ասումների երեկոյին ներկա էր Վեհափառ Հայրապետը:

• •

Փետրվարի 29-ին, ուրբաթ.—Այսօր ուխտավորաբար Մայր Աթոռում գտնվող Փարիզի հայրապետական պատվիրակի փոխանորդ Ս. Գյուտ եպս. Նագաշյանը, Վեհափառ Հայրապետից հրաժեշտ առնելով, մեկնում է իր պաշտոնատեղին:

• •

Մարտի 2-ին, կիրակի.—Գ կիրակի Քառասնորդական Պահոց (Անառակին).

Այսօր Մայր տաճարում, Ավագ խորանի վրա, ս. պատարագ է մատուցում Ս. Անանիա վրդ. Արարաշյանը:

«Հայր մեր»-ից առաջ «Հա՛յր, մեղայ լեր-կինս և առաջի բոյ» բնաբանով քարոզ է խոսում ուխտավորաբար Մայր Աթոռում գտնվող Արևմտյան Գերմանիայի հայոց հոգևոր հովիվ Ս. Հակոբ վրդ. Գլընցյանը:

Ս. պատարագին ներկա էր Վեհափառ Հայրապետը:

• •

Մարտի 3-ին, երկուշաբթի.—Այսօր ուխտավորաբար Մայր Աթոռ է ժամանում Երուսաղեմի Պատրիարքարանի դիվանապետ և Ժառանգավորաց վարժարանի ու բնձայարանի տեսուչ Ս. Շահե արքեպ. Անեմյանը:

• •

Մարտի 4-ին, երեքշաբթի.—Այսօր Մայր Աթոռի միաբան սարկավագները չորսօրյա ձմեռային հանգստի մեկնեցին Ծաղկաձոր:

• •

Նույն օրը, երեկոյան, Երևանի հայրապետական վիլլայում գումարվում է Գերագույն հոգևոր խորհրդի հերթական նիստը:

Սույն նիստին ներկա էր նաև Ս. Շահե արքեպ. Անեմյանը:

Վեհափառ Հայրապետի հրավերով, որպես Գերագույն հոգևոր խորհրդի նոր անդամներ, ժողովին ներկա էին նաև հանրապետության ժողովրդական նկարիչ Գրիգոր Նանջյանը և բանասեր-պատմաբան Հայկ Մելքոնյանը:

Ատենի ժողովի Վեհափառ Հայրապետը ողջունեց և շնորհավորեց ներկայությունը Գերագույն հոգևոր խորհրդի երկու նոր անդամների և մաղթեց նրանց հաջողություններ՝ իրենց գործունեության մեջ:

Այնուհետև Գր. Նանջյանը և Հ. Մելքոնյանը իրենց պատասխան խոսքերում շնորհակալություն հայտնեցին Վեհափառ Հայրապետին՝ իրենց անձի նկատմամբ ցուցաբերած վստահության համար:

• •

Մարտի 9-ին, կիրակի.—Գ կիրակի Քառասնորդական Պահոց (Տնտեսի).

Այսօր Մայր տաճարում, Ավագ խորանի վրա, ս. պատարագ է մատուցում Ս. Ստեփանոս արք. Չաքալյանը:

«Հայր մեր»-ից առաջ «Զի որդիք աշխարհիս այսրիկ իմաստնագույնք են քան զորդիս լուսույ» (Ղուկ. ԺԶ 8) բնաբանով քարոզ է խոսում Ս. Մասիս վրդ. Գալըստյանը:

Ս. պատարագին ներկա էր Վեհափառ Հայրապետը:

• •

Մարտի 12-ին, չորեքշաբթի.—Այսօր, երեկոյան, Վեհաբանում, Վեհափառ Հայրապետի նախագահությամբ, գումարվում է միաբանական հերթական հավաքույթ, որի ընթացքում Ս. Արսեն եպս. Բերքերյանը ներկայացնում է «Եփեսոսի Գ Տիեզերական ժողովը» թեման:

• •

Մարտի 16-ին, կիրակի.—Ե կիրակի Քառասնորդական Պահոց (Գատառիին).

Այսօր Մայր տաճարում, Ավագ խորանի վրա, ս. պատարագ է մատուցում Ս. Խաչատուր քհն. Ֆրանգյանը: «Հայր մեր»-ից առաջ «Երանեալ են անիծք ի ճանապարհի և ոչ գնան յօրէնս Տեառն» (Մաղթ. ԾԺԲ) բնաբանով քարոզ է խոսում Ս. Մոմիկ վրդ. Սարգսյանը:

• •

Մարտի 19-ին, չորեքշաբթի.—Այսօր, երեկոյան, Վեհաբանում, Վեհափառ Հայրապետի նախագահությամբ, գումարվում է միաբանական հերթական հավաքույթ, որի ընթացքում Ս. Ստեփանոս արք. Չաքալյանը ներկայացնում է «Քաղկեդոնի Տիեզերական ժողովը» թեման:

Մարտի 22-ին, շաբաթ.—Տօն է Սրբոյն Գրիգորի Լուսաորչին մերոյ սոսկալի չարանացն և մտին ի Վիրապն.

Այսօր Մայր տաճարում, Իջման և Սեղանի վրա, և պատարագ է մատուցում Տ. Հովհաննես ավագ քին. Մարությանը:

Նույն օրը, պատարագից հետո, հոգևոր ճեմարանի ուսանողները ուխտի են մեկնում Խորվիրապի վանք:

Մարտի 23-ին, կիրակի.—Զ կիրակի Քառասնորդական Պահոց (Գալստեան).

Այսօր Մայր տաճարում և պատարագ է մատուցում Տ. Արտակ քին. Սիմոնյանը:

«Հայր մեր»-ից առաջ «Որ գլխորհուրդ քո գալստեանը» բնաբանով քարոզ է խոսում Տ. Գրիգորիս վրդ. Բունիաթյանը:

Ս. պատարագին ներկա էր Վեհափառ Հայրապետը:

պետի նախագահությամբ, գումարվում է միաբանական հերթական հավաքույթ, որի ընթացքում Տ. Արսեն եպս. հերթերյանը ներկայացնում է «Քաղկեդոնի ժողովից հետո ընդհանուր Եկեղեցու ծոցում առաջացած ընդվզումները և Հայ Եկեղեցու դիրքը Քաղկեդոնի ժողովի հանդեպ» թեման:

Մարտի 30-ին, կիրակի.—Ծաղկազարդ.

Այսօր, օրվա մեծ տոնի առիթով, Մայր տաճարում, Ավագ սեղանի վրա, և պատարագ է մատուցում Տ. Գրիգորիս վրդ. Բունիաթյանը և «Հայր մեր»-ից առաջ քարոզում «Եւ որ առաջին և զկնի երթային՝ աղաղակեին և ասեին. Ովսաննա բարձրելոյն, օրհնեալ որ գասդ լանուն Տեառն. Օրհնեալ թագաւորութիւնդ եկեալ Հօր մերոյ Դաւթի, խաղաղութիւն յերկինս և փառք ի բարձունս» (Մարկ. ԺԱ 9—10) բնաբանով:

Ս. պատարագին ներկա էր Վեհափառ Հայրապետը:

Նույն օրը, երեկոյան, Մայր տաճարում, Վեհափառ Հայրապետի հանդիսադրությամբ, կատարվում է «Դոճբացէք»-ի ավանդական հանդիսությունը:

